

痘科纂要序

方書所以待疾然非人人而值之

至於痘則凡有生者所不免過此則

人矣不能過此則鬼矣故是科視諸

醫爲特重予入廣之明年民間中痘

者多不全活間巷哭聲相連詢其故

俗止任巫無醫予幼子尋亦患是勢

在險逆之間聞有徽人畢生者深明



醫道且精是科令視之數餌而愈出其所緝痘科纂要皇子挨時逐候爲圖著說各繫之方泰不盈而用則備矣因令遍試之髀中無不驗者真痘科之要也昔唐陸宣公罷相家居集古方書以貽世君子謂其不忘濟時利物之事予守端無以益民而坐視赤子之夭折則何忍哉故刻是本傳

昔

播之使吾民今而後知所救藥云

嘉靖戊午春正月之吉

賜進士第中憲大夫廣東肇慶府知府餘姚盧璘書于崧臺書院



痘科纂要目錄

痘疹受病之源

五臟受毒所出痘形

痘瘡將出形症

痘瘡初出吉凶之兆

痘瘡作熱與諸熱不同

痘瘡約日訣

治痘首尾節畧

用藥不可執泥

春夏為順秋冬為逆

痘瘡避忌

痘瘡症善不用服藥

痘瘡可畏急宜服藥

痘瘡死症服藥無益

痘瘡先發驚搐俱用治驚之劑

痘瘡出遲朝夕啼哭

遍身青紫紋

面青爲逆

膿汁不乾

倒靨黑陷

陷伏

熱毒入裏黑陷

黑厭面而發寒

變壞歸腎

瘡黑有逆順

不結瘡痂

痘毒發疔

痘癰腫硬

痒塌

痘瘡入目

餘毒作嘔吐

吐瀉不食

瀉脫

潤腸

冷而虛

熱而實

輕變重

重變輕

表裏俱實

表裏俱虛

寒顫關牙

失血發泡

餘熱宜治

咽啞水瘡

壯熱不除

涕唾身熱

風熱咳嗽

痰實咳嗽

作渴

疳蝕瘡毒

傷寒疱疹斑點似痘

癩疹即癩子

宣利之過

升麻葛根湯論

貴賤不同用藥亦異

論治說

辯端人言痘瘡食鷄者死

南神北藥說

痘瘡順逆圖

附方

保元湯

散痘丹

鼠粘子湯

七聖散

十一味木香散

異功散

人參白朮散

肉苳菟丸

紫金散

保元散

玉露散

調榮湯

玉蟾冊

保脾丸

丹鳳丸

加味百祥丸

前胡枳殼湯

三味甘桔湯

生地黃散

人參麥門冬散

如聖飲子

綿爾散

豆砂散

黃酥丸

胡荽酒

僻穢丹

敗草散

消毒散

金華散

黃栢膏

生肌散

芥子膏

仙退散

穀精草散

減癥散

四聖丹

導赤散

龍腦膏

抱龍丸

宣風散

地黃散

羊肝散

粉紅丸

涼驚丸

犀角地黃湯

桔梗甘草梔子湯

柴胡麥門冬散

大連翹飲

痘科纂要

新安 雲石 畢鉉 著
端州庠生門人嚴允諍錄

痘疹受病之源

夫小兒痘瘡受病之源深矣雖明於調攝者亦不能免何則稟胎之初母多不知禁忌恣食辛酸炙煇厚味之過而六十日有形之後子在腹中母呼亦呼母吸亦吸隨呼吸而漸生氣焉氣聚而益精精旺而神全氣精神全漸生動作神饑則食母臟腑之穢液渴則飲母之血隨母所

食厚味之毒其子則隨而受之是有三穢毒發之名自此則皮肉筋骨血脉隨日漸長形足而降生矣初生之時啼聲未出急拭口中惡血勿令嚥下則可以稀疎而少疾否則啼聲一出惡血隨吸而下復歸命門胞中僻于一隅伏而不發直至外感風寒內傷乳食濕熱之氣下溜合於腎中二火交熾榮衛不從逆於肉裏歸於陽明出於足太陽寒水之經外為大寒內為二火化血肉而為膿則其時有因司天運氣而作有因驚恐飲食風寒暑濕之氣運動穢氣入於五臟受毒盛者則出多少者則出稀稟氣虛則出早實則出晚如地虛則萌芽早發實則遲也五臟受毒不一形症有殊學者詳之此備其源耳

五臟受毒所出痘形

穢氣入肝與淚相感則為水泡其色澤而微青入心與血相感則為班子其色深紅入脾與涎相感則為癩子其色淺黃而帶微赤入肺與涕相感則為膿泡其色白而肥惟腎在下不受穢毒痘出不起陷歸於腎則變黑色是為不治之症也

痘瘡將出形症

錢氏曰面色燥臉唇赤眼睛黃目胞赤四肢亦赤手足稍冷耳尖冷鼻冷尻冷身熱或乍涼乍熱頭痛腰脊強痛小便赤少大便不通耳後有紅筋赤縷忽然發搐但無痰潮不惡風惟惡熱腹痛則腹先出眼溢則眼先出熱輕痘亦輕熱重痘亦重其症有五臟之分呵吹頓悶肝也特發驚悸心也乍涼乍熱手足冷多睡脾也腮赤咳嗽時嚏肺也渾身發熱惟耳尖冷鼻尖冷尻冷手足稍冷是腎在下而不受毒所以腎之所司獨冷乃是平候也凡小兒一見已上之症必是痘瘡看法以紅紙撚點麻油照心脅間有小紅點如粟如黍而起者乃是痘症也

痘瘡初出吉凶之兆

痘瘡始見微微欲出如粟米黍米大或如黍豆大似水珠光澤作三次而出大小不一等頭面稀少眼中無前後心無根窠紅肥滿光潤裏外鮮明遍身俱少乳食嬉戲如常色赤發於皮膚睡卧自安大熱而後痘出痘出後而身即少涼此皆吉之兆也如或一齊奔出密如蚕種連片

無縫五內七孔面目皆有吐瀉時作瘡灰白色
頂陷身溫腹脹疼痛頭溫足冷外白內黑瘡內
黑點如針孔或如菜更痘已出而身大熱不除
煩燥啼哭渴甚不眠此凶之兆也吉症愈多愈
吉凶症但見一二不可不防

痘瘡作熱與諸熱不同

小兒痘瘡起初不免手發熱臨病之際不可不
審一槩用藥鮮不混錯今條列于後以便察病
製方庶不誤矣

傷寒作熱手足稍微冷發熱惡寒而無汗面色

青慘而不舒左額有青紋傷風作熱手足稍微

溫發熱自汗面赤而光

傷食作熱目胞腫右額有青紋身熱而頭額肚

腹最甚夜熱晝涼面黃或吐痢腹疼手心熱而

手背不熱驚風作熱面色青紅額正有青紋手

心有汗時作驚惕脈絡微動而發身熱

風熱作熱能倍食唇紅面赤大小便秘

他病潮熱如水之潮依時而至

痘瘡作熱必先現四臟之症及腎之平症

痘瘡約日訣

夫小兒痘瘡者與傷寒同類或安或危或見或隱皆七日之間歸症明矣凡痘欲出必先發熱一日二日出齊三日起發長大四日行漿五日漿足六日漿老轉綠回焦七日血盡結痂痂落癥明而諸經之症盡矣此其氣血壯甚者然也而或小兒虛弱受毒過甚及有變症至倍日期又不可以此推之

治痘首尾節畧

夫痘之為病皆由于在母腹中時浸漬食母血穢蘊而成毒皆太陰濕土壅滯君相二火之所作也因小兒真氣既盛正氣又旺邪無所容或因天冷或因傷表或因傷裏痘由是而生焉治當何如外者外治內者內治中外皆和其痘自出至於惡寒者發之表大熱者奪之裏渴者清之大使秘結者下之小便不通者利之驚馬者安之泄者分之可以執一為哉大抵傷寒同治最為高論隨經用藥不可闕也假令五日以裏諸病與痘疹不能辯別者不可疑作痘瘡必須發之但各從其所傷應見治之皆不妨痘出若強發之其變不可勝數矣前人言首尾俱不可下

者何也曰首不可下者為痘未顯於表下則邪氣不得伸越此脉證有表而無裏故禁首不可下也尾不可下者為痘毒已顯於外內無根蒂大便不實無一切裏證下之則痘氣逆陷故禁尾不可下也有如所言溫煖蓋覆不令通風以其痘未出或身表涼而惡寒或天令寒而惡冷溫煖蓋覆不令通風可也痘若已出身熱天暄何必用蓋覆而不使之通風乎後人執此二句首尾俱不敢下溫煖不令通風不知天令之所加人身之所感致使誤人多矣大抵前人之言隨時應變以其所可者言之後人不知其變故執常而不移也噫首尾俱不可下者以其終始臟腑原無凝滯也若有一切裏證及大便結者安得不下哉溫煖不使之通風之說以其發在冬時故如此也若發在夏時痘雖未出亦不用於此也痘之用藥大率以脉為主浮中沉之脈平舉按之候察其虛實定其中外則可以萬全矣

用藥不可執泥

讀前人之書當知其立言之意苟不知其意而

求適於用不可得也痘瘡之論錢氏爲詳歷舉
源流經絡分明表裏虛實開其治法証以論辯
深得著方垂教之體使後人如求方圓於規矩
較平直於準繩引而發之觸類而長之可謂無
窮之應用也今人不知致病之因不求立方之
意倉卒一試設有不應弁其書而棄之近因局
方之學久行素問之學不明類皆喜溫而惡涼
喜補而惡解利忽得陳氏方遂以爲錢氏論之
不及也豈其然乎雖然陳氏亦可謂善求病情
者矣大率歸重於太陰一經蓋以手太陰屬肺

主皮毛足太陰屬脾主手足肺金惡寒而易於
外感脾土惡濕而無物不受其用丁香姜桂所
以治其肺之寒用附木半夏所以治其脾之濕
使脾與肺果有寒與濕而兼有虛也中病則已
何傷之有今徒見出逢者身熱者泄利者驚悸
者氣急者渴思飲者例與木香散異功散間有
偶中之效不思一偏之偏若錢氏方固未嘗廢
細辛丁香白朮參耆輩率有監制輔佐之藥但
其用寒涼者多而於補助一法畧示端緒錢氏
之意深矣亦將俟觀者而擴充之夫渴者用溫

涼藥瘁塌者用補藥自陳氏發之迥出前古然其間多用燥熱或未適中蓋痘瘡之作有虛有實有寒有熱首尾証平而用寒涼之藥下之者誤首尾有實熱而不下之者誤首尾有虛寒而不溫補者誤痘疹出透色澤肥紅症候平穩強施溫補者誤大抵治痘之法當臨病致宜隨機應變又可執一偏之議而不流通也哉

春夏為順秋冬為逆

經云春夏陽氣在上人氣亦在上秋冬陽氣在下人氣亦在下今痘之發自裏達表當春夏之

時則血氣隨陽氣上運而行疾秋冬則血氣隨陽在下陷而行遲且萬物遇春而生發遇夏而長成乃陽氣薰蒸故得生成者也蓋因外常和煖內無冷氣之所由也是以發於春夏者順秋冬者逆又當論小兒稟受充實堪耐寒暑節令變更不以為事雖發於秋冬亦不能為害受氣怯弱者寒暑易侵便生疾疫雖發春夏未可言為順也中間善於攝生遇秋冬節令常服預防藥餌迴避風寒而致溫暖亦能變逆為順而不知禁忌昧於調理而不避風寒者雖春夏亦可

及順為逆矣不可不知

痘疹避忌

風寒暑濕氣 并使扇之風焙晒衣服熱氣之類

腋下狐臭氣 并諸禽獸腥羶之氣

房中淫液氣 新房或油漆之氣是也

父母房室事 外來生人一切不潔之氣

婦人經候事 并諸般血腥臭惡等氣

酒醉暈腥氣 聞醉氣痘毒觸入兒自飲酒則痘毒易出

硫黃蚊烟氣 并毒藥氣吹燈滅燭烟氣致損兒目及惹咳嗽痘疹及痛癢

射香臊穢氣 聞射香氣厚即觸入吃則發出

梳頭及汗氣 抱小兒者常欲換新衣更令香薰可也

誤燒頭髮氣 并諸骨烟氣

葱蒜韭薤氣 烹炮煎炒油烟氣

溝渠臭濁惡氣 孫直父云糊麥酒常喫兒在者可僻諸般惡氣

已上皆不可犯犯之令兒變生諸症甚致傷

命不可不信此余親歷驗也或曰有田舍小

兒任之自然犯之者都無變動何也蓋貴賤

有異稟受厚薄不同不信者不可盡歸咎醫

之誤也

仲景云痘瘡已出未收之際宜常燒蒼朮仍謹

司門戶勿令生人輒入房中床帳多掛胡荽以酒嚙之常燒乳香降真香使榮衛得香氣而運行酒掃房舍潔淨若不防避如法使欲出者不出已出者班爛成片甚者瘡黑陷伏加以臭爛瘡如刀刺悶亂死者多矣彼穢衝觸覺之早者宜薰解之以胡荽酒嚙床帳及左右多燒諸香及辟穢丹安兒身下薰兒少頃更燒鉄器令紅以好醋沃之時特行於住處

痘瘡証善不用服藥

發於春夏之間出時值天氣晴和先發播而後發瘡大便如常瘡色肥紅光潤易出易長乳食嬉戲如常睡卧自安者此為順候不用服藥而自愈如強服補瀉之劑則生他証矣

痘瘡可畏急宜服藥

不食多渴 渴瀉不食

戛齒噤牙 能令痘子陷伏是腎旺也

增寒困倦 能令痘子縮伏是脾虛也

煩燥體熱 搔頭者欲生風候

吐逆泄瀉 飲食不變化正出及痘後大便膿血

瘡作黑陷坑 肉無膿血或黑色疱或瘡跡作黑孔

大小便澁

服藥飲食下則腹鳴

癰塊壅腫

飲湯服藥喉中噎出

喘急痰盛

聲啞氣噎

已上諸証是痘瘡之惡候首尾可畏如內犯一二但飲食如舊雖困重者急宜用藥醫救亦有可生之理如飲食減平日一半者難治雖飲食如舊內犯三四者亦難治痘瘡見後當常留心防之倘內犯一症急宜調理可保無再犯之患也

痘瘡死証服藥無益

通身忽生起如雞子大塊腫毒痘黑紫而發喘
自瀉下鮮血并如黑豆汁及如死雞肝色
唇青黑縮咽喉腫閉口舌喉生黑白色瘡
忽感外風手足搖擗直視口吐涎沫不醒
肚脹如鼓氣喘煩燥大熱發渴口鼻出血
瘡子紫黑色瘡中心先陷沒後又出
瘡子出後通身忽腫如冬瓜氣喘急促
面耳口鼻俱黑四肢逆冷項軟忽出大汗
手足身體俱冷如水腎中黑縮口吐腥臭氣
被外風吹面色青黑手足搖作鳥聲

被風冒悶喉中涎噎目閉多睡頭上汗出如珠
一向作大熱煩燥喘急服諸藥熱不退而面黑
痘已出妄汗表虛而成斑爛

或因穢惡觸忤而成黑陷耳尻反熱

頭面腫瘡盡抓破或臭爛不可近或足冷至膝
鼻陷目閉咬牙肉高而突起

已上諸症皆痘科之死候但犯之者十死一
生至此服藥恐無益於事矣古人云治未病
不治已病能防之於未萌者豈有是哉

痘瘡先發發後搽誤用治驚馬之劑

夾熱吐痢者不可妄投燥藥痘瘡發搽不可輕
投驚馬劑經云諸瘡皆出於心今痘瘡雖出於四
臟要之心實爲主毒氣始作未形見之間忽然
發搽乃毒氣自心經而出也苟不以外證辯明
而妄施藥餌不以痘証防備之使用銀粉巴硝
腦射大黃等劑使心寒肌冷毒氣內陷往往痘
瘡之初發搽者多因誤服寒藥而死氣絕之際
或隱隱斑出已無及矣蓋心竅一寒則毒氣陷
伏表裏不透况心主一身之血心寒則血凝不
行痘瘡欲出不可得也且痘瘡發驚馬必有外證

可驗常居安樂素無疾苦或爾發搐者痘證也
用解表退熱消毒快氣利小便之藥服之不致
誤事待其熱證得泄心神亦自安矣或有風寒
與內熱相搏致疾者各從其證治之但加勻氣
藥爲妙又曰痘瘡氣勻則出快蓋氣勻則榮衛
無滯有邪亦散大抵治驚惟平肝利小便爲第
一法也

錢氏曰班由心所生心主熱而生血熱則生風
肝風心火二臟交爭而發搐又曰瘡者脾所生
脾虛而肝旺乘之木能勝土熱動心神而生驚
也

痘瘡出遲朝夕啼哭

五臟平和則精神安靜有病則不然痘瘡乃五
臟蘊毒發作之時朝夕啼哭當察其毒氣在表
在裏若虛若實隨證調治使氣血流通神守清
爽昧者或以爲心熱或以爲腹痛妄投藥餌以
致冷熱偏勝變生他病可不審哉治以保元湯
合同升麻葛根湯主之最妙

遍身青紫紋

痘瘡之出乃熱邪內外蒸發熱毒方運天氣暴

寒拆之外寒與內熱相拒而不得入內熱為外寒所閉而不能出毒氣壅於肌皮其痘如痣或青或紫俗云鬼捻青或年壯肌肉厚密亦有此證當用胡荽酒噴之連渣擦遍體不可喫擦頭面更以保元湯同葛根湯加木香桂米少許服之

面青為逆

心主血症以血為主面赤身熱煩燥驚悸乃心之形症為順今面反青色病不相應也其証為逆更當察其外症隄防之熱者必生風虛者必下利宜消風散熱虛而下利宜理中湯保元湯加豆蔻之類治之

膿汁不乾

出得太盛膿水不乾粘衣者蒸蓆疼痛濕爛不能轉動宜白龍散敗草散掃之

倒靨黑陷

外感風寒不能長出者謂之倒靨或因煩燥惡熱掀揭衣被為風邪所傷或解脫取涼為風冷所襲或值天寒住處房舍不密被風冷侵感使肌肉閉塞血凝不行必有身疼四肢微厥紅點

不肯長發或青紫紋而黑色輕則其狀如赭色重則陷如石窩色白而米硬治法當溫血氣散寒邪使毒氣復行其瘡自出輕則保元湯加木香官桂紫蘇川芎手足厥冷寒戰重者加大附子

陷伏

內虛不能出者謂之陷伏胃虛不能副榮衛必出而復沒或因臟腑虛怯自然吐痢或未發之先誤服涼藥以致瀉痢其人必不能食或吐或厥其瘡不發形見小點淡紅而白或白而微黃不能起脹治法先正吐痢後以溫和之藥發之宜保元湯加芎桂糯米之劑及木香散加減用之

熱毒入裏黑陷

痘瘡不透心煩狂燥氣喘痰盛妄言如見鬼神大小便秘渴而能食毒入裏黑陷此為實證當以保元湯加黃芩白朮麥門冬服之如無他證少與利之何妨當下不下者誤正此謂也臨是病者又不可不詳察焉

黑壓回而發寒

痘瘡黑靨面其証有四所因不同用藥亦異一者感冒風寒宜溫散之保元湯加宜桂紫蘇木香散爲主二者毒氣太盛宜解毒利小便玉露散爲主三者內虛無陽急宜溫裏以保元湯加桂附爲主四者穢毒觸忤宜重解之胡荽酒僻穢丹爲主大抵黑靨面發寒者重不發寒者輕發寒之症乃脾弱爲腎水所勝治法當溫脾土救胃氣以制腎水黑靨發寒之証可免矣

變壞歸腎

痘瘡之由毒蘊四臟惟腎在下不受其毒今則脾土失調虛弱不能勝水兼以外症侵之使痘變壞毒氣逆內而下流反歸於腎以致當結痂而不結大小便秘腹脹瘡黑紫而乾陷錢氏治以百祥丸瀉膀胱經毒服之身溫欲飲水者可治加以寒戰身冷汗出耳尻反熱者難治秘方加味百祥丸主之爲妙

瘡黑有逆順

但凡黑陷本是逆症亦有順者瘡雖黑陷而忽瀉下膿血痂結而能食爲順此必舊服脾藥脾強可以勝腎水脾土不衰毒入腹而瀉出脾若

一虛則五臟危矣今脾土既盛他証無慮也

不結瘡痂

痘瘡七八日之後血菴既成漿上滿頂當結而不結乃內外熱極毒氣散漫無陰氣以斂之古方用宣風散導之磨犀角汁解之或用砂糖滾白水化服隨手而愈不可太早恐瘡入目又如血泡起脹毒氣痛盛心火炎熾宜玉露散一服可結余次子得此疾而加有痰用前胡枳殼湯一服即安倘毒未脫形諸邪並作者雖云結痂亦其逆也

痘毒發疔

六七日八九日之間痘瘡長齊脹起上水之際毒氣盛而氣血虛弱毒聚而不能自散結成釘毒其形或大或小其色或紫或黑發於衆痘之中枯硬針撥不動者疔大而黑軟者名黑痘如其痘色正未有變故忽見啼哭晝夜不安必有此症即便遍體尋認疔則用針挑破吸去紫血搽入豆砂散黃酥丸黑痘但挑破不必用藥大抵生於手足不近臟腑雖穿筋骨者易治結於頭面背腹逼近於內者其勢必盛宜急治之以

疎氣導毒之劑微利可也

痘癰腫硬

痘瘡既平失於解利餘毒太盛內不能入於臟腑外不能泄於皮膚聚而不散輕則結爲瘡癰重則頭項脅背手足肢節曲池委中去處赤腫而成癰宜消風散毒之劑治之不可據然峻利亦不可輕用刀針恐成疔蝕瘡血水不絕日久而難愈也

痒塌

小兒痘瘡痒塌皆因脾胃虛寒吐瀉交作以致陽氣疎泄收功之時陰盛陽虛所以痒塌謂之外剝治法宜以保元湯倍黃耆加苜桂木香白朮芍藥之類治之

痘瘡入目

痘瘡毒氣攻目成翳治法活血解毒而已活血不致於熱解毒不致於冷用藥平和其證自退或誤用熱藥反以益疾過用冷藥反以傷脾大抵痘盛者多有此疾宜預防之黃柏膏圍搽

餘毒作嘔吐

脾胃主納而不主出大小腸主出而不主納痘

瘡嘔吐餘毒在胃也病有冷熱之不同藥用溫涼之各異熱吐者心煩而渴食乳甚急聚滿胸中復又吐出如射其人必面赤手足心熱若處喜冷宜去桂五苓散加橘皮生薑汁服冷吐者面色青白乳食隨吐不化大小便自利宜理中湯保元散大抵病後餘毒多是熱證其間冷證十有一二宜斟酌治之

吐瀉不食

吐痢有冷熱之不同不食有虛實之各異吐而不渴瀉而手足冷面色青白此冷證也保元散豆蔻丸治之既吐而且渴瀉而手足心熱面赤身熱喜居冷處此熱證也五苓散竹葉石膏湯加橘皮治之脾胃虛弱精神散慢而不食者爲虛當溫養之保元湯理中湯身熱中滿渴而不食者爲實當清利之玉露散小柴胡湯治之或瀉如水或瀉白色或瀉淡黃色者宜十一味木香散七味豆蔻丸或保元散消息治之如氣虛下陷者用升麻提之

瀉脫

小兒瘡癩若瀉頻多津液內耗血氣不榮其瘡

雖是起發亦不能厭也如身溫腹脹噤牙喘渴者難治緣水谷去多津液枯竭而欲飲水不止者蕩散真氣故多不治速服保元散加升麻白朮散之類或用木香散豆蔻丸亦可

潤腸

小兒痘疹如四五日不大便者可用肥嫩豬肉一塊以淡白水煮熟切如豆大或皂子大與兒食之令臟腑滋潤使瘡痂易落百無礙滯不可輕用太寒宜利以致內虛毒母陷入裏傷兒真氣如六七日不便身體壯熱其脉緊盛而燥渴者

微與利之此在臨時活法不可執泥也玉露散亦妙

冷而虛

身冷

四肢冷

自利

吐瀉

脾胃虛冷

精神散慢

自汗

乳食不化

腹脹

口氣冷

目閉倦卧

六脉沉細而遲

治法溫之補之

熱而實

身熱

大便秘

小便赤澀

喜居冷處

手足心熱

吐痢而渴

口氣熱

睡卧不安

煩燥謔語

六脉洪大

法當清之涼之

輕變重

父母犯房室

痘兒不忌口

冒風寒

食煎炒椒蒜

飲冷水

食瓜果

過飽失饑

多飲酒

誤服太熱太寒之藥

痘已出妄汗妄下

月婦抱兒

婦人妄行針灸

外人穢觸

不遵諸禁忌

信巫不信醫

不食血肉

重變輕

避風寒

常和暖

大便稠

不燥渴

忌外人

能飲食

信禁忌

善調攝

少飲酒

遇好醫

表裏俱實

小兒瘡癩始出一日至十日渾身壯熱能食大便黃稠小便清利乳食如常其瘡必光澤必起發必肥滿必易醫根窠紅是表裏俱實而不致損傷也

表裏俱虛

小兒痘瘡已出未愈之間其瘡不光澤不起發根窠不紅或腹脹或瀉渴或氣促是表裏俱虛也治法宜以保元湯加木香官桂紫草白朮之類加減徐徐調之何患之有

咽啞水瘡

心之氣舉擊出於肺而爲聲其喉之竅若管籥焉金受火制之使然也痘之發氣拘血載奔行四肢百脉因風邪沮塞腠理痰唾稠粘有礙氣道其毒不能盡行肌表故成咽啞咽啞者痘出

氣喉初甚細小不覺及至肌表之痘成漿內亦成漿其毒壅盛則氣出管籥窄狹所以氣舉擊出之聲不清也不清者肺金之受害也水瘡者毒壅會嚙門也然是門飲食所進之處如飲湯水則毒凝其門不易進納而乃溢入氣喉氣喉者不受物之處故發爲瘡也或進穀食而不瘡者蓋以食有渣自能入其門而非如水溢不犯氣道故也七日前咽啞水瘡並爲逆證七日之後而有者不待醫而自愈外痘結痂豈有肉之不痊者哉故先賢用甘桔湯服於已發未發之

間蓋所以清其氣道不使毒之有犯此預治之
法世不可去若待證成而欲治之可謂不通矣

寒顫闔牙

夫寒顫者陰凝於陽陽分虛則陰入氣道穆穆
作寒不待踈而自戰也闔牙者陽陷於陰陰分
虛則陽入血道而兩齒相對作聲不待力而自
闔見七日前見寒戰者表虛也闔牙者內虛也
七日後見寒顫者氣虛極也闔牙者血虛極也
氣虛者以保元湯加桂以溫陽分血虛者保元
湯加芎歸以華陰分有獨寒戰者有獨闔牙者
以一體治之又有不省人事閉目無魂者譏語
狂煩尋衣摹縫闔牙不已者此皆氣血將盡毒
伏於表之故也若此特有一縷不絕之氣而已
世欲求生道豈不猶覆水而欲再收豈其易
耶

失血發泡

痘之發惟在氣不可弱然亦不宜太盛太盛則
恐傷其血蓋血失之由氣盛攻為風邪沮塞清
道熱盛火熾而氣與毒相挾交爭血不能勝以
致錯經妄道洩散無統是皆氣盛於血之患也

然則血之妄行有從口而出者有從鼻而出者有從大小便而出者有從瘍瘡而出者有從痘毒而出者悉皆不治間有從鼻出得生何也蓋爲氣盛逐血血載毒奔行週身傳注督脉斬關而出不犯其內而故無所害也至如口出并大小便出者多死何也蓋因有犯於內而故有所傷也若瘍瘡痘毒間出者則爲走泄走泄多肉分空虛毒無定位是證之由非此而何及至發爲泡者乃氣有餘而血不足之證血雖載毒特如羈麻系而已終不能上附於氣使氣分毒盛有

過本位致津液隨氣呼吸上極毒出之竇而發爲水泡凡氣之過於盛者則益其所振所作如風之撓物者然無所不及無處不入七日前若入於膈則呵欠噴嚏其氣漸泄其痘不能起發圓混七日後若入於腹則如雷作鳴甚則飲水亦鳴或便氣下泄其痘尤不能成漿此皆氣之所爲如此發泡以保元湯加白朮山查少潤水氣下行以平其氣治氣之法寧可補其不足不可虧其有餘蓋血弱一時不能補益故補氣之功易補血之功難蓋氣無形血有形血之爲血

非五穀滋味精華其何能生化耶若過於益則
又載毒泛溢反爲大逆矣治者更能安其氣位
何患血之不歸附哉

餘熱宜治

夫餘熱者本虛熱也何哉痘毒一解則陽陰二
分因而俱虛所謂火從虛發之義信不誣矣然
其熱多發於午後但觀兩臉赤色乃其證也蓋
虛盛則發熱熱盛則讖語狂煩此乃理之必然
若有此證不可作熱治即此虛陽動作亦必爲
之強陽前後以保元湯加黃連甚則大連翹飲
主之切忌妄加他藥以致壞證則變爲危難而
不可治矣此等痘證最要預爲調理否則日久
或疔癩或眼目疳蝕咽啞風搐筋牽唾露白睛
走馬牙疳諸疾皆自此而作矣斯時而有斯證
豈不凜凜乎其可懼哉

壯熱不除

若身熱經日不除無他症者宜以陸味柴胡麥
門冬散治之熱退即止如不退玉露散治之

涕唾身熱

若涕唾稠粘身熱鼻孔乾燥大便如常小便黃

赤宜拾陸味人參清膈散或保元湯加白朮陳皮黃芩麥門冬治之

風熱咳嗽

若風熱咳嗽咽膈不利宜參味甘草桔梗防風湯或清膈散治之

痰實咳嗽

若痰實壯熱胸中煩悶大便堅實臥則喘急宜前胡枳殼湯治之

作渴

夫痘症之渴與諸雜症之渴不同宜參酌虛實寒熱而後治之首尾切不可與食冷水及蜜西瓜紅柿之類誤食之則濕損脾胃腹脹咬牙轉渴至死者多矣或腹脹渴者或瀉渴者或足指冷渴者或驚悸渴者或身溫渴者或身熱面皯白色渴者或寒戰渴不止者或氣急咬牙渴者或飲水轉渴不已者已上九症皆非實熱乃脾胃饑虛津液枯少故也當常服保元湯加白朮木香官桂歸芍或木香散之劑治之使其表裏俱實而瘡不致痒塌變生他症喘渴而死矣

疳蝕瘡毒

小兒瘡痘已靨未愈之間五臟未實肌肉尚虛血氣未得平復忽被風寒暑濕之氣侵於膚腠之間或食五辛炙燂之物以致內熱薰於肌肉之上則津液不營故成疔蝕瘡也久久不愈潰傷筋骨以致殺人不可不慎治法壯者踈風散毒用微利之虛者先以補劑調和氣血而後攻毒可也

傷寒疱瘡班點似痘

傷寒發熱在表而失汗熱毒薰蒸而發疱瘡其色白或赤如丹頭帶白膿者輕或紫黑色在肌肉者重又有熱毒發班者始覺如蚊迹而紅紫點者皆非痘也不可誤認治之

癩疹即麻子

其症初作多與痘症相似但其形不同耳有熱則易出一出遍於肌膚之上如痲子細點而色淡紅出而不久便沒此則六腑之受病所以毒氣浮淺而易愈俗又謂之膚瘡是也有因天行時氣衆兒齊作有因風邪夾熱起於湊理皮膚不腫不痛發而搔痒有因寒濕之氣侵者天暑炎暄乘之則爲赤疹天時寒涼冷氣拆之則成

白疹亦者遇清涼而後滅白者遇溫暖而後消
又有浴後感受汗出脫衣得者隱隱微黃似赤
似白凝滯肌肉之間四肢沉重熱夾濕也當知
風寒暑濕之所由生不可一槩用溫熱之劑大
抵治法始則與傷寒相似先當發表使毒外泄
不致傳裏而成泄瀉吐痢之症初見時更以胡
荑即端之園荑煎酒擦之務令遍體使疹出快
且透而無餘患矣又有先疹而即痘者先痘而
即疹者有痘疹齊作者不可不知禁忌之法與
痘相同避風寒厚衣服忌食生冷爲調理之要
務也

宣利之過

小兒痘瘡出不快者皆言毒氣壅盛妄謂其熱
以藥宣利解散致令臟腑受冷榮衛澁滯則氣
血不能衝實皮膚肌肉使其瘡不得起發凡滿
結實不能結痂故多痒塌煩噪喘渴而危者皆
因宣利解散之過也縱得其生罕矣

升麻葛根湯論

古方用升麻葛根湯治痘已發未發皆可服世
習以爲常不問虛實寒熱一併投之孰不知道

有經權兵有奇正病有常變常者可必而變者豈可必乎前人用升麻湯之意治痘之常不治痘之變常者未見斑點之先已結瘡痂之後均發執者常也若夫斑點既見及正出未收之間其症不一可拘如傷寒之說執一藥以應無窮之變哉且升麻葛根湯藥性大寒不過涼肌解表而已今昧於理者不審稟受虛弱痘瘡已出未出妄令一槩服之致使肌寒表弱陷伏危殆豈不為是藥之究乎

貴賤不同用藥亦異

富貴之家懷孕婦人恣食辛酸炙燂五味過厚食毒移於子臟所以受病亦深養則包藏幃帳奧室之中風日少見致令肌肉嬌嫩不耐風寒田舍之兒不同孕則無厚味食毒之移五臟平和受病亦淺養則常於地土暴露風日致令肌肉壯厚而寒暑難侵養育有如此之差受病有淺深之異其用藥烏得而同乎

醫治說

孫真人云能治十男子莫治一婦人能治十婦人莫治一小兒何也蓋小兒痛痒不能言精神

猶未備骨氣猶未堅形聲猶未正脉息猶未全
語言不能道其得病之由脉不能診其必然之
理故黃帝云吾不能察其幼小也何況痘瘡又
爲小兒科之難也爲父母者當孰察其情備與
醫者言之庶醫得其病情而治之可無誤矣往
往有等不明之人請醫至家畧不言其病由試
醫者爲何如而有等醫人不知望聞問切爲醫
家之本務小兒多不能切必以望聞問爲審病
之法而耻爲之詳問妄逞已見致天兒命罪將
何歸又或主人自請不明之醫或信巫不信醫
或用醫婆妄施燈燒艾炙竟不知有芽兒甚多之
說此其自誤又何他究也哉

南神北藥說

南神北藥之說行之兩廣非朝夕之言也弊之久
矣在當時則可憫而不可笑而今則可笑而不可
憫何也蓋當時嶺道未通醫藥不到人有病而無
醫藥可療不得已投祀鬼神是可憫而不可笑也
而今之時四方明醫滿目藥餌皆全尚迷於巫而
不信醫固是可笑而不可憫也且端州爲廣之巨郡
又非偏方僻縣若無醫之可比也吾聞諸省之民

未嘗不祀神鬼而祈禳俗禱但不僻於邪而廢正
務遇病則以醫醫治爲先端之民匪然盡棄醫而全
信師巫中間士夫之家醫巫並舉者有之噫吾恐
信醫者終不能勝巫或曰壽夭有定數醫巫皆人
事也曰雖云人事亦有輕重邪正之分余備數司
命但欲世人皆躋壽域故陳數言以爲同志者採之
辯端人言痘瘡食雞者死

創立醫道明垂教法品嘗樂味先聖賢之用心深
矣至於金石草木禽獸魚鱉性之良毒可謂備而
無餘也治病南北不同用藥亦異皆有明示但雞
之能殺痘兒歷遍方書未之聞也常憶前人立教
豈有遺而私焉余官太醫院有年亦嘗南京北直
隸山東江浙諸省皆以雞可救痘之危而獨端溪
爲殺痘之最無從可考深爲異哉大抵痘瘡變易
多端食雞者雖死於他病亦歸咎之於雞毒未食
雞而死者不識將爲何如端人以此爲誠議所以
不敢強欲之食但不能無一言耳惟智者察焉

痘瘡順逆圖

凡圈內白者氣也圈外赤者血也圈內之圈者脂
也圈外赤散者血不歸附也圈內黑圈者血乾也

一二日初出之圖

順 

初出血點
淡紅潤色

二日初出之時如粟米黍米大於口鼻
耳之間先發三兩點淡紅潤色大起者順之
兆也為氣血各得其正毒不妄行故也

逆 

形如蚕種
紫黑乾枯

先發於天庭太陽印堂方廣之處齊併出者
蚕種連片無縫紫黑乾枯者逆之兆也不治以
其氣滯血滯致毒妄參陽位無以當其勢也
雖潤澤成箇而稠紅者險也毒雖犯上而氣
血未離憂慮之象便當防護恐氣洩血
散變生他證以保元湯加桂主之

險 

圓暈成形
乾紅少潤

二三日根窠圓混之圖

順 ○

氣溢血附
飽滿光潔

二三日根脚圓混氣之冲滿也氣之冲
滿血必歸附痘兒精神清爽長齊明
潤為順不治自愈為氣血得道毒已絕

逆 

氣失血散
枯死不榮

根窠無暈不紅氣離血散為逆是氣
血俱衰交會不足致毒乘機犯內而
長山起發也

險 ○

頂陷不滿
光潔精神

根窠雖圓而頂陷者血亦難聚為險是
氣弱不能領袖其血也以保元湯加官桂
等糯米主之

四五口形色之圖

順 ○

氣滿血榮
鮮明光澤

四五日間其形失圓光澤大小不一等氣和血就順也不治自愈是氣拘血附各得其道而毒自釋

逆 ☆

綿密如泡
紫黑乾紅

其形連密如蚕種黑陷乾紅紫泡者逆也逆而不治為氣血相離縱毒內攻而為黑陷

險 ◎

根窠雖起
色慘不明

其形根窠雖起色不光潔生意猶在險也惡治之為氣弱血盛雖毒犯上然得交會而用保元湯加官桂糯米為藥木香主之

五六日起發之圖

順 ○

氣會血附
紅活鮮明

五六日氣盛血榮於內則發揚於外為順不治自愈是氣血豐厚毒受制也

逆 ☹

氣背血離
乾枯綿密

氣雖旺而血不歸附其色灰陷或紫黑陷或發水泡瘡為逆而不治為氣弱血衰致毒下陷而外剝也

險 ◎

氣弱血榮
色昏紅紫

氣雖旺血雖歸附而不厚其色光白而不榮為險險而易治是氣盈血弱不及歸附以保元湯加木香等歸主之

五六日漿行之圖

端人謂之上水

順 ○

氣化漿行
光潔飽滿

五六日氣盈血附其毒自化化則成漿順之
不治自愈為氣血得中其毒自解也

逆 ○

漿毒不行
神去色枯

氣陷血衰其毒陷伏則不成漿逆也
者不治為氣血相離不能制毒而致外剝也

險 ○

氣血少足
光潤有神

氣交不旺血雖歸附不能成漿險也宜急治
之為氣血虛少寒而不能振作用保元湯
加桂米主之

七八日漿足之圖

順 ○

氣足血微
神全光潤

七八日氣旺血附其毒化漿順也順矣
煩治而自愈為氣旺拘血化毒之故也

逆 ☆

氣陷不滿
色枯乾紫

氣血乖離其毒不化漿逆也逆則難治
為氣血不及不能振作以制毒致癰發
疔者可生外剝內傷者必死

險 ○

氣弱血附
光潤不枯

氣血少緩毒雖化而漿不滿險也險則可
治以氣血有礙不能大振以保元湯加
桂木香糯米以發揚之

八九日將水老之圖

順 ○

氣旺血化
毒始出身

八九日將水足滿頂其色蒼臘而黃如無他症順也不用治而自愈

逆 ☼

氣陷不滿
毒成外剝

漿不灌起氣血盡也氣血盡而大命臨之恐治無益

險 ○

氣平少冲
紅黃色潤

將水冲滿血附線紅氣弱而險也以保元湯如倍昔著糯米之類調之亦有熱極而似不滿者詳之慎之

十一二日血盡之圖

順 ○

氣平血收
光色始斂

十一二日血盡毒解氣調漿足此生生自然之理為順又何治焉

逆 ○

氣弱血凝
枯朽剝極

或血淡而將薄或血凝而將滯以見氣虧而不解變壞黑色歸腎逆也用治無益

險 ○

氣少冲滿
血亦有力

血盡將足濕潤不斂者為虛也或有陽元無陰氣以斂之者當檢後開對症之方以治之

十三四日結痂之圖

順
○
氣血歸本
神化功全

十三四日者氣血歸本毒既殄殘漿老
結痂順也但防餘毒變証

逆
◎
氣血不全
變壞黑陷

毒未脫形諸邪並作雖云結痂此其逆也

險
○
氣血效力
神化太過

毒雖盡解將老結痂之際或有雜症相
仍不可峻用寒涼太熱之劑宜和解之
對症之方治之

十四五六日還元之圖

順
✱
氣血無恙
痂落癥明

十四五六日氣血功成痂落而無他証
順之徵也

逆
◡
氣血兩虧
天年盡矣

痂未易落寒戰咬牙讞語狂煩疔腫多
作無可生之路逆之兆也

險
○
氣血功成
神化少全

痂落潮熱唇紅口渴不食險之熱也以
四君子湯加陳皮山查黃連之類或連翹
散等方檢用

七日前後頂陷之圖

七日前後五陷者氣不足也氣不足不能

收血而毒不能成將氣不勝毒故也七

日前後見此宜治以保元湯加芩桂糯米

湯胃助氣血不榮加川歸至十一二日漿足

陽虛陰實

或有之如血氣光澤有起勢者亦不可過

於治也恐滿而過盛反危百骸或血如死

反漿未滿足其血雖附不榮而兼有內

症者生命不可保矣此際不可拘於保

元湯後方中對症用之萬無不效



好下陷也

七日前後倒陷之圖

七日前後倒陷者氣血衰也七日後根窠

起發漿行之次或因瀉劑氣陷毒即隨氣

血而反陷也如血不足歸附鮮明衛護之

力猶在治必有可拯之理其血不存亦必

挾毒攻內禍必復起其可救乎急以保元

湯加苓朮瀉以肉且甚渴以參苓白朮散

主之又有峻用發泄毒劑致傷元氣而

氣血隨毒勢反陷伏者有之能防患

者豈有是哉



內外俱虛

之象氣血

勢離故病

而復陷也

七日前後陽毒之圖

陷

外實內虛
陽之象也
故性外旺

七日前後陽毒者身中生起別凡瘡也
或瘡未痊及初結癥處肉分必虛毒受
氣血相擊周流百脉必趨虛處而出也
蓋陽瘡陰毒混雜一黨友勝諸毒而名
之也其毒濕潤者為氣血俱盛而諸毒
易成瘡也其毒枯燥乾紅氣血俱弱毒
與諸瘡相抗而不成瘡也治法同彼頂陷
如枯轉潤紅變白其瘡水自溢于此可見
治者之功効也不可輕用太熱之劑

七日後發癰之圖

手形



手之陰大會之處



足形

足之陰大會之處

七日後發癰者陽毒也瘡之毒併聚一
處而假其名也蓋氣血拘攣乘載其毒氣
翳血盛陽分空虛血則載毒傳注四肢合
處合者海也曲池委中是也毒不成瘡七
日前後發者宜縱之發其毒并從此而
出也若治其毒必隨瘡而散內攻臟腑必
無可生之理如痘毒已解血氣豐盛宜解
散之痘好之後而作腫塊者甚多大抵毒
盛者有此症宜解散餘毒自然無患矣

九日前後疔毒之圖

九日前後發疔者釘也毒慘陽位聚而自成窠穴蓋氣位弱而血分不密其毒性不能自散故聚結而成其形如氣固血盛則毒受制歸附豈有是耶結於四肢或小或大不近臟腑雖抵穿筋骨者易治結於頭面腹背逼近於內自其勢必攻穿臟腑難治不穿者急治治不可峻以保元湯加牛旁子當歸荆芥助氣逐毒或去血盡用藥點之待毒液滿自釋也

中實外虛
陰之象也
故性犯內

七日前後內潰之圖

七日前內潰者蓋因風寒所中腠理固密陰陽二分壅塞不通其毒內攻氣既不能拘血又不能載毒臟腑之間毒火炮熾則潰而成膿口舌皆白是其驗也如此尅害生靈何其慘毒識者知痘毒未出之時或有風寒阻寒氣旺熱盛身必戰動腹肚急夜謹此患以和解湯升麻湯逐散寒邪開泄腠理縱毒而出豈有是症者哉

毒逆於內
凶之兆也

已上順逆險三法圖乃

督府刊行布諸兩廣然雖切當而方論未備鉉
重加校正附於是書之中益以
廣其好生之德以爲痘科之全
備耳

保元湯

即東垣之黃耆湯也見蘭室秘藏用以治痘
爲主方也首則可合諸方相偶而用尾証則
當斟酌用之恐毒氣盛者反益其病

人參 二錢

黃芪 三錢

甘草 一錢

右用姜一片水一鍾半煎八分食前稍熱服
升麻葛根湯

治感風寒壯熱頭痛肢體疼痛痘瘡未嘗見
形點疑似之間可服但微見形一二日之間
則不可獨服當合保元湯同煎進一服最妙

乾葛

升麻

芍藥

甘草 各等分

右加姜三片葱白一寸水一鍾煎五分不拘
時服

散痘丹

治發熱而有耳冷鼻冷作痘之症見紅點未見之先壯熱頭痛身疼熱毒盛者服之可解臟腑蘊毒而使痘瘡稀少如已見痘形切不可服

陽起石一錢飛過 硃砂一錢飛

片腦

麝香各一分

右為極細末取真蟾酥伍分用人乳浸開調勻為丸如綠豆大每歲用一九五歲已上則減一九十歲服八九之意納入生葱管內以濕紙包灰火中煨令紙乾取出用後

藥煎湯送下

升麻 三分

紫草 六分

防風 四分

蟬蛻 三分

白芷 四分

荆芥 三分

紫蘇 三分

乾葛 三分

木通 三分

甘草 五分

鼠粘子 五分

冬月加麻黃 三分 夏月加黃芩 三分

右用葱白三根姜三片水一大中煎五分乘熱送下前丸取汗為度痘瘡自然稀少

鼠粘子湯

治痘瘡已出稠密身表尚熱急宜服此藥以

防青乾黑陷

人參 六分

紫草 酒洗七分

鼠粘子 炒香

當歸身 酒洗

甘草 炙各一錢

柴胡

連翹

黃芩

黃耆 各錢五分

地骨皮 八分去梗

右為粗末每服三錢水一鍾煎五分去渣空

心溫服服藥後不可便與乳食

七聖散

治痘瘡四五日之間出不快朝夕啼哭及倒

靨者

人參 八分

紫草 五分

木香 五分

木通 四分

甘草 五分炙

枳殼 四分炒

黃耆 一錢二分去梗

右咬咀用水一鍾姜一片煎五分不拘時溫服

十一味木香散

此方能和表裏通行津液清上實下扶陰助陽腹脹瀉渴之劑也

木香

大腹皮 洗淨

桂心 去皮

前胡 去蘆

陳皮 去白

丁香

訶子 煨去核

人參

半夏 麩炒

赤茯苓

去皮

甘草

炙等分

右剉用水一鍾姜三片煎五分去渣食前服
量兒大小以意加減服藥後忌食蜜水生
冷

異攻散

治小兒風寒濕痺調和陰陽滋養氣血使痘
瘡易出易壓不致庠塌

木香

當歸

去蘆尾

人參

陳皮

去白

厚朴

姜汁炒

丁香

肉豆蔻

麵裹煨各二錢五分

桂

去皮

茯苓

去皮

白朮各二錢

半夏曲炒

附子

煨去脂各一錢五分有熱不用

右剉為粗末用水一大鍾姜三片棗二枚煎
五分去渣食前熱服量兒大小以意多少
服之

已上二方痘疹真有虛寒者可服否則
不可輕用蓋今人不能如前人之善察
症而善知藥性故也

人參白朮散

治痘疹已壓面身熱不退此方清神生津除煩

止渴又治泄瀉

人參

白木

藿香

木香

甘草

白茯苓

乾葛 各二兩

右為粗末每服二錢用水一鍾煎五分不拘

時服

肉豆蔻丸

治小兒痘疹泄瀉

木香

砂仁 各二錢

白龍骨 煨

訶子肉 煨去核

肉豆蔻 煨各五錢 赤石脂 七錢煨

枯白礬 七錢半

右為細末麵糊為丸如黍米大一歲兒每服

三十丸溫米湯下瀉止住服

紫金散

治痘瘡出不快或頂陷灰黑一切不起發者

蚯蚓 鹽酒洗炒乾為末二兩

木香 二兩

甘草 三錢

紫草 三錢

射香 二錢

右為細末每二歲用一分兒有寒症執酒調

下熱症紫草湯加酒少許送下糯米煎湯

亦妙

保元散

治身冷四肢冷口氣冷不渴小便清利大便泄瀉痘色淡白根脚不紅或陷頂不起或八九日虛寒不能收功痒塌嘔吐不進飲食俱可服

人參 三錢

黃耆 五錢

甘草 二錢

白茯苓 去皮

白朮 去蘆

當歸身 酒洗

川芎

肉豆蔻 煨各五錢 藿香 三錢

肉桂 二錢

寒甚咬牙發戰者加附子 三錢

右為細末每見一歲用五分好酒送下或滾

水加酒少許亦可蓋暖衣被片時覺熱為

妙

玉露散

治渾身壯熱小便赤澀大便秘結口渴煩燥不寧口氣熱臭痘色焦紫而發斑首尾熱盛者痘後餘熱俱可服

滑石 一兩去砂泥

寒水石 五錢飛

木香 二兩

雄黃 七錢用甘草汁煮火一時

紫草 五錢

甘草 四錢

蚯蚓 三錢鹽水炒

右為細末每歲兒服一分熱甚者用燈心湯

調下熱極者夏月用井水下有寒症者不可服

調榮湯

治痘瘡五六日之間或因風寒所襲或血虛或血礙不行以致根脚不紅潤色淡白而不上水漿行而不肥滿者俱可服

人參二錢

黃耆三錢

甘草一錢

赤芍藥五錢酒浸炒當歸身五錢

川芎三錢

木香二錢

蘇木三錢

糯米五錢

桂一錢

右為細末每服五分姜一片水一鍾煎五分加酒少許熱服或紫草湯調服亦可

玉蟾丹

治痘瘡毒盛里巖面變壞歸腎黑陷紅班陷頂不起者不拘口數并一切可畏症候俱可服之

辰砂三錢飛過

陽起石二錢飛過

乳香一錢五分製過

沒藥一錢五分製過

大蝦蟆留哇去肚中物淨焙乾五錢

射香二分

右為細末用雄猪心血雄鷄冠血相半為丸如艾實大每服一丸無熱用酒化下或有

執或不飲酒者用紫草湯調服服後即起復者生如不見効者必不能矣

保脾丸

治脾胃虛寒谷食不化吐瀉交作手足逆冷痘淡灰白黑陷不起或収功時陰盛陽虛以致痒塌不結痂屬者俱可服之

人參

白朮

大附子姜汁和麪包燻

白茯苓

去皮各兩

乳香

沒藥俱製各一錢

右為細末另將後藥煎湯和丸

黃芪

當歸

川芎

肉桂

甘草各五錢

糯米二合

用水三鍾煎至米熟去米藥渣再熬至半大

鍾加入乳羊乳各一杯又熬和前藥為丸

如龍眼核大每服一丸用滾白水化下

丹鳳丸

治一切陷伏倒靨黑陷不起之症解毒散熱起發痘瘡如大熱盛者斟酌用之

人牙

七箇煉存性

羊角尖

剉一錢

乳香一錢

沒藥一錢

甘草二錢

麝香一分

右為細末鷄冠血為丸如灰實大每服一丸

熱症紫草蘇木煎湯下寒症酒下
加味百祥丸

治痘瘡黑陷焦紫黯色症在危急服此亦能
頓蘇而復紅壯服此後若欲飲水者必生如
精神昏慢口鼻氣冷不復救矣

山龍 薑酒炒五錢

紅牙大戟 酒炒

川烏 一枚煨焦
各錢五分

射香二分

右為細末煮紅棗搗爛為丸如芡實六濃煎
葱白湯化服一丸甚至二丸則止

前胡枳殼湯

治痘疹痰實壯熱胸中煩悶大便結實卧則
喘急屢經効驗

前胡 二兩去蘆

枳殼 去穰麩炒

赤茯苓 去皮

甘草 炙各五錢

大黃 煨一錢

右剉用水一鍾煎五分不拘時服如身溫涼
脉微并瀉者不可服

人參清膈散

治痘疹涕唾稠粘身熱鼻乾咳嗽大便如常
小便黃赤

人參

柴胡 去蘆

當歸 酒洗

芍藥

知母 去毛

桑白皮 去皮

白朮

黃耆

紫苑

地骨皮

茯苓

甘草

桔梗

黃芩

石膏 各等分

右為粗末每服三錢水一鍾姜三片煎至五分去渣溫服隨兒大小加減服之

三味并桔湯

治痘疹風熱咳嗽咽膈不利

桔梗

甘草

防風 各等分

右對水一鍾煎至五分不拘時服

生地黄散

治痘瘡身熱口乾咳嗽心煩

生地黄 五錢

麥門冬 七錢去心

杏仁 去皮尖

款冬花 去枝梗

陳皮 去白各三錢

甘草 二錢半炙

右為粗末每服三錢水一鍾煎五分去渣溫

服

人參麥門冬散

治痘疹身熱煩渴

人參

甘草

陳皮

白朮

厚朴 姜汁炒各五錢

麥門冬 兩錢

七日以前加苦苣菜五錢

右為粗末每服三錢水一鍾煎五分去渣不

拘時服

如聖飲子

治痘毒攻咽喉腫痛口舌生瘡

甘草

桔梗各兩

麥門冬五錢去心

玄參三錢

牛旁子兩炒

升麻三錢

右劉加竹葉五片水一鍾煎五分食後細細

呷之

綿爾散

治痘瘡身體肢節生痒蝕瘡膿水不絕

出蛾綿爾不拘多少

右用好生白礬礬細入綿爾內令滿煨令礬

枯取出并礬極細乾掃痒瘡口內

豆砂散

治痘毒發疔

巴豆一粒去皮膜

硃砂一分

右礬細用針挑破疔毒捻去紫黑血將藥搽

疔口內

黃酥丸

治症同前

雄黃不拘多少用直蟾酥為丸點入疔內
妙不可言

胡荽酒

能防諸般惡氣併令痘疹出快

胡荽即園荽不拘多少用酒煎三滾去渣
候溫每吸一口噴項已下背腹手足令遍
不可及頭面及常嘆住處左右以僻外人
及諸般穢惡之氣隱隱見形嚙之即出

僻穢丹

養木

細辛

川芎

耳松

乳香

降真香各等分

右用搗爛紅棗為丸如彈子大晒乾以火焚
之時時常燒以僻邪氣

敗草散

治小兒痘瘡結痂後抓破濃水不乾粘衣惹
席坐卧不便者

用蓋屋多年爛草或蓋墻者亦可不拘多少
焙乾為細末攤於席上令兒坐卧或掃瘡
上亦妙

金華散

治痘後肥瘡疔瘡疥癬能收水涼肌解毒

黃丹

黃栢

黃耆

黃連

大黃 各一錢

輕粉五分

麝香 二分

右為細末瘡濕乾搽瘡乾用臘猪油熬化調搽

生肌散

專治痘蝕不斂并痘後膿血雜流不收等瘡

地骨皮

黃連 炒

五倍子

甘草

黃栢 各等分

右為細末乾搽瘡上

新生小兒十三日將本身兒腕下臍帶燒灰研

極細末用親母乳汁調灌服不拘時候不生

痘疹

芥子膏

治嬰孩小兒瘡痘不入眼

白芥子 三錢

右為極細末用水調傳足心引毒歸下

仙退散

治嬰孩小兒瘡疹入眼成翳

蟬蛻 不拘多少

右為極細末用羊肝煎湯調化食後服

穀精草散

治嬰孩小兒痘瘡已靨眼目翳膜障瞳人癮
澁淚出久而不退

穀精草 五錢

蛤粉 生二兩

右為極細末羊肝一葉用竹刀批作片子摻
藥在內用草繩縛定以磁器內貯水慢火
煮熟令兒不拘時候服

減癩散

治嬰兒小孩痘瘡絕愈毒氣尚未全散瘡痂
雖落其癩猶黯或凹或凸

韶粉 一兩

輕粉 三分

右研極細末用猪脂油調傳

四聖丹

治嬰孩小兒癩疔

珍珠 七粒或三五粒研

碗豆 四十九粒

頭髮 不拘多少燒灰

右為極細末用搽面胭脂調成膏子先用簪
尖撥開疔口將藥點入疔內即時大小瘡

皆變為紅白色人家小兒出痘瘡有灰頂者十死八九為鄉人不識內有斑疔又不曉治法故也今要於瘡灰黑色中認出有瘡大者為疔有黑疔線者為疔又有瘡臭氣者為疔依方治之救人多矣

消毒散

治痘疹已出未出未能勻遍及膈熱有痰咽喉腫痛

牛旁子 一兩炒
甘草 五錢炙
荆芥穗 一錢
右為粗末每服三錢水一鍾煎五分不拘時

服

道下赤散

治痘疹有熱小便不利

生地黃
甘草
木通 各等分
右剉用水一鍾加竹葉五片煎五分服

黃栢膏

治痘瘡入目預用此以防之

黃栢 五錢
新菘豆 五錢半
甘草 生二兩

右為細末用生麻油調如膏從耳前至眼眶唇面並厚塗之日二三次亦可使痘頭面稀

少

龍腦膏

治小兒伏熱在心昏務目不省或慢服熱藥搗熱昏昧不知人瘡疹倒撮黑陷

生梅花腦子 一字或半字研細

右用新殺猪心一個取心中血同研作大丸

用新汲水少許化下未省再服如瘡疹陷

伏者食後溫酒化下

抱龍丸

治瘡疹身熱昏悶氣分鹿痰實癰嗽

雄黃 一錢水飛

天南星

臘月括牛膽中陰乾百日如無星將毒者去皮脂炒熱然米及釀用罌

辰砂 五錢別研

天竺黃 一兩

麝香 五分別研

右為細末煮甘草水和丸如皂子大溫水化

下服之百日小兒每丸分作三四服五歲

一二丸

宣風散

治瘡疹身熱煩渴腹滿而喘大小便澁面赤

悶絕大吐此當利小便不瘥者宣風散下之

若五七日痂不焦是內發熱氣蒸於皮中

故瘡不得焦痂也宣風散導之用生犀磨汁

鮮之使執米不生必著痂矣

栳柳 二箇

橘皮

甘草 各五錢

牽牛 四兩半生半炒

右為末二三歲蜜湯調下半錢已上一錢食

前服又治瘡疹青乾黑陷身不大熱大小

便澁則是執在內煎大黃湯下

地黃散

治小兒心肝壅執目赤腫痛生赤脉或白膜

遍睛四邊散漫者猶易治若暴遮黑睛多致

失明宜速用此方亦治瘡疹入眼

生熟乾地黃

各切焙

防風 去蘆

姜活

生犀末

蝉退 去土并頭足

木賊

穀精草

白蒺藜 去

沙苑蒺藜 各一錢

玄參 半錢

黃連

去髮

木通

一錢半

右為細末每服一錢或半錢量人大小加減

煎羊肝湯食後調下日三夜一息口將息

亦治大人目痛

羊肝散

治小兒痘瘡入眼及無辜氣入眼

密蒙花 二兩

青箱子

決明子

車前子 各兩

右為細末各別收之每服密蒙花末三錢餘藥各一錢拌勻用羊肝一大片薄批摻上濕紙裹煨熟量多少空心食之

粉紅丸

治斑疹病後發癩此溫敬馬之劑

天南星

為末入臘月牛膽中醱百日陰乾取末朱砂一錢半四兩別研無釀者只取生者坐炒熟用石

天竺黃

一兩研

坏子臘脂

一錢研

龍腦 半錢別研

右用牛膝汁和丸如灰實大每服一九小者

半丸沙糖溫水化下

涼驚丸

治斑疹後發癩此涼驚之劑熱者用之

草龍膽末

防風末

青黛

研各三錢

鈞藤末 二錢

牛黃 二分半

麝香 二分半

黃連末 五分

龍腦 一分

右同研為末麪糊為丸如粟米大每服三五丸至一二十丸金銀薄荷湯送下溫服

犀角地黃湯

治瘡疹未出而發搐者兼治瘡疹大盛

生犀角屑二兩如無以升麻代之 生地黃二兩 牡丹皮二兩

芍藥八錢

右為粗末每服三錢水煎服之熱多者加黃

芩五錢

桔梗甘草桅子湯

治瘡疹心煩者

桔梗

甘草各半兩

桅子仁二錢半

右為粗末每服三錢水一盞煎服之

柴胡麥門冬散

治瘡疹壯熱經日不除

柴胡一錢半

龍膽草一錢二分 麥門冬三錢去心

甘草炙

人參去蘆

玄參各一錢半

右為粗散每服三錢水一大盞煎至六分去

渣溫服不拘時候量人大小加減熱退住

服

大連翹飲

古方十四日後用以解除毒

連翹

鼠粘子

當歸

芍藥

防風

荆芥

木通

滑石

車前子

嬰麥

蟬蛻

槐子

柴胡

黃芩

甘草 各等分

右用水一鍾半姜一片煎至五分食前服

已上諸方除秘藏素有奇効者不敢自述

其功餘雖他有所載亦余嘗經驗者錄之

惟

高明臨病對症檢用萬無不濟矣

痘瘡纂要 終

痘科纂要引

夫醫之為道最難於幼科幼科之難莫如痘

疹且人生未克有免者保全之道可不慎歟

余不才謫戍端溪之明年端人痘症大作天

者不可勝數詢諸鄉人則曰痘之臧否命也

豈能醫乎詢諸醫則曰僻居邊隅方書少見

祇傳治痘三法雖簡當而首尾形症防患論

治之法未詳也余畧為之言始有聞者召余

視之十起八九由是觀之天命雖有定數而

人事不可不盡也故余于是而留心焉詳摘

諸家之確論附素藏經驗秘方集成一帙名
曰痘科纂要不敢自私用錄
呈請梓行以廣其傳亦慈幼萬一云爾

嘉靖庚辰春月及新安後學雲石畢鉉識

